



**Aatsitassarsioqatigiit aatsitassanik misissuiniarneranni aammalu misissuinerit suli ingerlagallarneranni innuttaasunik oqimaaqatigiissumik paasissutissiisoqartarnissaa siunertaralugu, apeqquteqaat tunngavigalugu Inatsisartut oqallinnissaannik siunnersuut.**

(Inatsisartunut Ilaasortaq Kalistat Lund, Inuit Atatqatigiit)

Partii Naleqqamiit siunnersuuteqartoq tunngaviatigut aallarniinerani oqaasertaliinera isumaqatigeqaarput – oqarmat maani nunatsinni, soorlumi aamma nunarsuup sinnerani taamaattoq; aatsitassarsiortut ataasiinnaavimmik siunertaqarlutik maaniimmata, tassalu iluanaarnissaminnik qulakkeerinninnissartik.

Taama oqallinnermut oqalliseqataanissatsinni Partii Naleqqamiit aallarneriarluta, uani aatsitassat pillugit oqallinneq iluatsillugu eqqaaqqillarput massakut aatsitassarsiornerup unikaallannera iluatsillugu, siunnersuuteqartup ilaatigut tunngavilersuineratuut inatsit “kumaartigu” nutartertigu inuiaqatigiinnut kinguaariinnullu aggersunut pisuussutitta iluaqutaalernissaanik qulakkeerinninnissatsinnik annerpaaffissamik aqutissiuniassuugut. Unami qularnanngilaq, massakut unikaallalaaminernera sivilunaviannngilaq, nunarsuarmioqatigiimmi amerliartuinnarpugut aatsitassanillu taamaasilluni pisariaqartitsineq ilutiganit aamma annertusiartuinnartussaavoq.

Inatsimmilu nutaami aamma qulakkeertariaqalluinnakkatta ilagaat aatsitassarsiorusullutik saaffiginnittut, taakkulu inuttaasa – aningaasaliisuisa ileqqulersortarsimani, oqaluttuassartai tamaasa sukumiisumik misissoriarlugit paatsoorneqarsinnaanngitsumik itigartissinnaanngortariaqarpagut, massakutuut kikkut tamaasa pasinarsinnaasunut allaat anngaaginnarnagit.

Inatsit nutaaq sumik qanorlu tunngaveqassava? 2010/11-mi eqqumiilaartumik Australiamiit e-mailersivunga inummik – arnamik taamanikkut nalusarlunnannik. Arnaq taanna – Charlotte Australiap ilisimatusarfiisa ilaanni taamani doktorinnngorniartuuvoq, doktorinnngorniutigalugu

aatsitassarsorniarlutik qinnuteqartartut misissuinerminni qinnuteqarnerminnilu tunngavigisartagaat inuiaqatigiinnut qanoq aatsitassarsiorneq sunniuteqartassanersoq, tuluttut taasarpaat - Social Impact Assessment report (naalisarlugu SIA). Doktorinnngorniutiminut atatillugu nunat aatsitassarsiornermik ingerlatallit piunasaqataat misissornerani, Nalunaq Gold Mine-mut atatillugu SIA-liami atera takusimallugu paasiniaalluni attaviginnippoq. Tassanilu attaveqatigiilernitsinni oqaatigalugu aatsaat taama inuiaqatigiinnut iluanaaqataanissamik qulakkeerinnitsigisumik SIA-mik takugami apersuiniarluni.

Nunarsuup sinnerani qanoq torrallataatiginersut ilisimanngilara, aamma Novembarimi ukiut 6-inggussapput sanaqataagamali, taamaattorli puugutaq itisooq nutaamik “nassaarisariaqanngilarput” tamakkumi SIA-liat toqqammavigingutsigit, Charlottes qisuarniarnerata uppersisiinnarpaa, taannalu maani nunatsinni ilaatigut sanaajuvoq toqqammaviulluarsinnaasoq. Tuluttuua pigaara, ilimanarpoq aamma kalaallisut nutserneqarsimassooq, tamakku tunngavigalugit nalilersueqqitta taamaasilluta aamma Kalistat Lundip uani siunnersuuteqarnermini angorusutai ilanngullugit inatsisiliornissatsinnut aqutissiuissagaluarpugut kiisami inuiaqatigiit iluanaaqataanissaanik, peqataanerulersinneqarnissaanillu qulakkeerinnittumik.

Tassunga ilanngullugu uagut Partii Naleqqamiit anguniagarivarput aatsitassarsiorfiliassani minnerpaamik nunarput 40%-imik piginneqataassasoq, taamaasilluni sinneqartoornerni agguagassarsisalernissaa qulakkeerneqassamat. Soorlu aamma uuliasiorniarnermi piginneqataanissamik inatsimmi allaqqasoqareersoq. Pisuussutit uumaatsut inuiaqatigiinnit iluanaarutaanissaat sutigut tamatigut qulakkeerniartariaqarparput aammalu nunarsuarmioqatitsinni oqaloqatigiinnikkusussuseqartunik ammasunik tatiginartunillu peqarpoq. Tamakku ilanngullugit nalilersueqatigiittariaqarpugut, soorlu aamma Kalistat Lundip oqallissaarinermini innuttaasut akuutinneqarnerunissaat ujarntoraa arlaannaanulluunniit akunngitsumik nalilersuisinnaasumik. Tamannalu aamma Partii Naleqqap pingaaruteqarluinnartutut isumaqarfigaa soorlu aamma tamanna aallaqqaataniilli erseqqissaatigisaqattaaripput, tassami peqataaninneqartutut misigitiinnarnagit aammali aalajangersaaqataasutut tusaaneqartutullu misiginissaat Partii Naleqqamiit pingaarutilerujuvoq. Soorlu aamma inatsimmi nutaami oqaloqataanitsinni pingaartikkipput aatsitassarsiorneq ujarassiornerlu immikkortillugit inissinnissaat.

Taamatut Partii Naleqqamiit uunga oqallinnissamat aatsitassarsiornermi iliussissanik nutaanik ujaarlernermi oqaatigineqarsinnaasumi ilanngussaarpugut, immersueqataanissamullu uani aamma

ulluni aggersuni pimoorussilluta inuiaqatigiillu pissarsinerpaaffissaata qulakkeernissaa toqqammavigalugu peqataasarumaarpugut.